

ICES-ip immikkoortuini V, VI, XII aamma XIV-imi qaleralinniarnermi Kalaallit Nunaata Islandillu akornani avitsinissamut aaqqissuussaq

1. Aallartitat Islandimeersut, Jóhann GUDMUNDSSON siuttoralugu, aamma aallartitat Kalaallit Nunaanneersut, Emanuel ROSING siuttoralugu, ulloq 31. maj 2014 Københavnnimi ataatsimiipput ICES-ip immikkoortuini V, VI, XII aamma XIV-imi qaleralinniarnermik aqutsineq pillugu isummersoqatigiinniarlutik.

2. Illuatungeriit isumaqatigiissutigaat harvest control rule (aalisarnermi aqutsinissamut maleruagassaq), ICES MSY-mut mianersortumik periutsimut naapertuuttoq amigaataammat aalisagaqatigiinnik pisatut tamarmiusutut naatsorsukkat eqqarsaatigissallugit ukiumullu akuerisaasumik pisarineqarsinnaasut (TAC) pillugit aalajangersaasarneminni ICES-imit siunnersuutit tunngavigisarniarlugit. Taanna aalisarnissamut politikki isumaqatigiissummut matumunnga ilanngussaq I-imiippoq.

3. Illuatungeriit isumaqatigiissutigaattaq imatut agguaarisaaseqarnissamik aalajangersaaniarlutik:

Kalaallit Nunaat	37,6 %
Island	56,4 %
Allat	6,0 %

Taanna agguaarisaaseq 2016-ip ukiuata affaani siullermi nutarterneqassaaq.

4. Isumaqatigiissuteqartut tamarmik aalisannngitsuukkanik isumaqatigiissuteqartumut pineqartumut tunniussat 10 %-ii tikillugit ukiup tullianut nuussisinnaapput. Nuunneqartut taakku amerlassusaat pisassiissutaasunut isumaqatigiissuteqartumut pineqartumut ukiumi pineqartumi tunniunneqartunut tapiliunneqassapput.

5. Isumaqatigiissuteqartut tamarmik isumaqatigiissutigineqartumut pineqartumut pisassiissutigineqartut 5 %-imik sipporlugit ukiumi sorlermiluunniit aalisarsinnaatitaapput. Pisassiissutigineqartut sipporlugit ukiumi ataatsimi aalisarneqartut ukiumi tullinnguuttumi isumaqatigiissuteqartumut pineqartumut pisassiissutinut ilanngaatigineqassapput.

6. Illuatungeriit pisortatigoortumik imminnut ilisimatittassapput pisassiissutit isumaqatigiissummi matumani illuatungerisamut allamulluunniit isumaqatigiissummi matumani ilaanngitsumut tunniunneqassappata.
7. Illuatungeriit tulaassinerit aallaavigalugit pisassiissutinit pisat pillugit paasissutissanik tamakkiisunik qaammatit pingasukkaarlugit suliaqartassapput illuatungerisamullu nassiullugu.
8. Ukiut tamaasa ukiup naanerani illuatungeriit uninngasuutit pillugit immersugassaq ilanngussaq II-miittoq immersortassavaat illuatungerisamullu nassiullugu.
9. Illuatungeriit akuersaarpaat Islandimi piffissaq aqutsiviusoq 1. september aallartittartoq ukiullu tulliani 31. august naasarluni, Kalaallit Nunaannilu piffissaq aqutsiviusoq ullorsiutit malillugit atuulluni. Aalajangersakkat siuliani allassimasut piffissanut aqutsiviusunut assigiinngitsunut atuupput, mutatis nudandis.

Isumaqatigiisut una 2019-ip naanissaanut atuuppoq.

Københavnimi tuluttut marlunngorlugu ulloq 31. maj 2014 suliarineqarpoq.

Qaleralinnik aqutsinissamut pilersaarut.

Aalisakkat

Qaleralik (Reinhardtius hippoglossoides) ICES-ip immikkoortuini V, VI, XII aamma XIV.

Aalisarnermut politikki

Qaleralinnik (Reinhardtius hippoglossoides) aqutsinissamut periusissiaq mianersortumik periuseqarnermut naapertuuttumik sukkassuseqaannarnissamut atugassiaavoq, siunissamilu ungasinnerusumi piujuartitsinermik tunngaveqarluni annertunerpaamik pissarsisitisassalluni (MSY).

Islandimi Kalaallit Nunaannilu oqartussat ICES-imit siunnersuutit aallaavigalugit ukiumut akuerisaasumik pisarineqarsinnaasut (TAC) aalajangersartassavaat. Aalisarneqarnikkut toqusoqartarnermi anguniakkap siunissamut ungasinnerusumut piujuartitsilluni aalisarnerup annertunerpaaffianiitinnissaanut ICES-imit naatsorsorneqartup amerlaqataanut ukiumut pisarineqarsinnaasut amerlanerpaaffissaat inissinneqassaaq, aalisagaqatigiillu annertussusaasa Blim-imit minnerulinnginnissaannut ilimanassusikinnerussalluni.

Annex II

Qaleralik – annertussutsinut allattorsimaffik

Kisitsisit tamarmik tonsiupput

2014

[illegible]

2015

[illegible]